

87. stjórnarfundur í Minjasafni Egils Ólafssonar haldinn í Skor þekkingarsetri á Patreksfirði miðvikudaginn 16. maí 2012 kl. 10:00.

Mættir : Björgvin Sigurjónsson, Magnús Ólafs Hansson og Heiðrún Eva Konráðsdóttir forstöðumaður Minjasafnsins. Egill Ólafsson boðaði forföll en bað fyrir kveðjur á fundinn.

Fundargerð ritar Magnús Ólafs Hansson.

Dagskrá:

1. Heimasíða safnsins
2. Starfsmannamál sumarsins
3. Kaffítería safnsins
4. Fegrun, snyrting og viðhald húseigna safnsins
5. Sýningar í sumar
6. Milliuppgjör (fyrstu fjóra mánuði ársins)
7. Önnur mál

Magnús Ólafs Hansson setti fundinn og bauð fundarmenn velkomna.

Hér var gengið til dagskrár.

1. Forstöðumaður upplýsti að tvö tilboð hafi borist henni er varðar heimasíðu safnsins. Annað tilboðið hljóðar uppá 170.000 kr. fyrir utan vsk. og hitt upp á 250.000 kr. fyrir utan vsk. Hún upplýsti aðra möguleika í stöðunni s.s. að setja upp heimasíðu til bráðabirgða fyrir komandi sumar sem kostar mun minna eða ca. 40.000 kr. fyrir árið. Þá væri hún búin að setja upp Facebook síðu fyrir safnið. Forstöðumanni falið að ganga frá bráðabirgðaheimasíðu fyrir opnunartíma 2. júní
2. Forstöðumaður hefur lagt drög að því að ráða tvo starfsmenn á safnið komandi sumar. Þeir eru Bjarnveig Ásta Guðjónsdóttir og Anna Rúnarsdóttir. Stjórnin fagnar ráðningu þeirra.
3. Eftir undangengna auglýsingu vegna ráðningar rekstraraðila á kaffíteríu safnsins ákvað forstöðumaður að ganga til samninga við Hótel Breiðavík. Þrír aðilar sóttu um reksturinn fyrir utan Hótel Breiðavík og voru þeir Hótel Látrabjarg í Örlygshöfn og Aðalbjörg Hrafnisdóttir úr Reykjavík. Stjórnin fagnar væntanlegri ráðningu.
4. Ljóst er að fara verður í verulegar lagfæringar á og við safnhúsið á Hnjóti. Tilboð hefur borist í málningu á húsinu, þ.e. þaki, steinveggjum og tréverki.
Tilboðið hljóðar upp á 930.500 kr. m. vsk.

Þá hefur tilboð borist í að þökuleggja brekkur fyrir utan safnið og færa minnisvarða sem stendur við safnið. Um er að ræða að þökuleggja u.þ.b. 300 m² og hljóðar tilboðið upp á 2.600 kr. pr. m² með vsk.

Tilboðið hljóðar upp á 780.000 kr. m. vsk. (meðfylgjandi myndir).

Þá hefur einnig borist tilboð í viðgerð á glerskyggni, sem gert var við til bráðabirgða fyrir í vetur vegna mikils vatnsleka.

Tilboðið hljóðar upp á 332.080 kr.

HEK 155

Eftir umsagnir fulltrúa Þjóðminjasafnsins var leitað tilboða í að fjarlægja og farga nótabátnum við safnið. Tilboð barst í að fjarlægja nótabátinn við safnið og koma honum á förgunarstað á Patreksfjörð.

Tilboðið hljóðar upp á 150.000 kr. m. vsk.

Samtals hljóða tilboðin upp á : 2.192.580 kr.

Stjórn Minjasafns Egils Ólafssonar óskar eftir því við Samráðsnefnd Vesturbyggðar og Tálknafjarðarhrepps að hún hlutist til um að fjármagna tiltektirnar, viðgerðirnar og endurbætur á og við safnið fyrir opnunartíma 2. júní nk.

5. Forstöðumaður upplýsti að verið sé að setja upp sýningu með myndum og munum, í innri hluta Minjasafnsins, úr lífshlaupi skáldsins Jóns úr Vör og Steingrims Sigfússonar tónskálds. Sýningin veður opnuð laugardaginn 2. júní nk.
Þá er hún einnig með í vinnslu endurbætta sýningu á björgunarafrekinu við Látrabjarg sem hún hyggst opna á Safnadaginn um miðjan júlí nk. en hún er í heimildaöflun vegna viðtala við einstaklinga ásamt heimildaöflun á myndum og munum
6. Fyrir liggur bráðabirgða milliuppgjör fyrstu fjóra mánuði þessa árs. (Meðfylgjandi).
Skv. uppgjörinu lýtur út fyrir að rekstur safnsins sé í jafnvægi.
7. Önnur mál.
 - a. Stjórnin heimilar forstöðumanni að stofna reikning fyrir safnið sem sérstaklega verði ætlaður sýningahaldi. Allir umsóttir styrkir sem fást vegna sýningahalds verði lagðir inn á viðkomandi reikning. Stjórnarformanni falið að ganga frá stofnun reikningsins með forstöðumanni.
 - b. Stjórn og forstöðumaður stefna að því að vera með sérstaka athöfn í tengslum við væntanlega sýningu á björgunarafrekinu við Látrabjarg 1947 um miðjan júlí nk.
 - c. Borist hefur bréf frá fulltrúum Þjóðminjasafnsins þar sem fram kemur að þeir sjá ekkert því til fyrirstöðu að farga nótabátnum sem er við Minjasafnið. Stjórn Minjasafns Egils Ólafssonar ákveður hér með, þar sem báturinn er ónýtur af fúga og er lýti á safnasvæðinu að hann verði fluttur burt af svæðinu og honum fargað.

Fleira ekki gert og fundi slitið kl. 11.15

Þorgerður Ólafsdóttir
Heiðrun Eva Konráðsdóttir
Þorgerður Sigurðsson